

秋聲集

五言古體

山中雜詩

山中春日長芳林翠如織
 放意得散步裴徊度時節
 耦耕人藉草成太息
 雨歇清池深雲收暮山碧
 野蔬漸熟拾共此謀朝夕
 故人天一方悵望那能即
 長歌發中情且以慰疇昔

梁肉致五和不如蔬味真
 浮文謹邊幅不如野情親
 春水日以深春木日以新
 派禽在高枝和鳴樂暄辰
 使我坐終日依然思遠人
 欲行車無輪欲涉舟無津
 但有金石心憑寄江南春

衡山亭觀德



平池雨初晴日暮春水深殘霞墮空濶規月光已沉驚波
躍潛魚過影窺翔禽芟荷綠參差嘉禾懸清陰但起乘綸
想遠生江海心小大固有殊放歌無古今

贈黃汝楫

吾邦文獻邦江夏實著姓自從唐葉來忠孝溢郡乘天朝
躋仕版先後相輝映亢宗今省卽孝友根至性乘時起書
佐弱冠師法令驂騑羊骨奇鵬鴉羽毛勁歷塊雲路濶搏
風海天迥五羊城郭深八桂雲山勝歸來陟藩閭晨夕奉
溫清薇垣開省署咫尺卽星應乘遽入鄉國長吏各郊迎
既勤松楸省亦展素楸敬親朋慰兩望尊酒更相慶祝子
踐華級勉子崇德行他年五數歷一樹佳政江空島石
出霜落天宇淨驅馳迎使事水驛舟可掬去々三神山相

聖發孤詠獨有歲寒花散動為君贈

李萬戶死事

李侯將家子英姿仍妙年慷慨赴出師悲風動戈鋌結束
辭親去義重不顧息鉦聲動天地列校在轅門悠々渡劍
水慘々烟塵昏白日橫殺氣黃茅吹瘴氛行府檄書來色
動沮三軍一死忠孝備捐身何足論清流山下水哀歌弔
忠魂恤典昨一方颯爽應有聞

南田耕舍

離々南山田采々山下綠茲晨涼風發秋氣已可掬美人
平生親零落在空谷顏色不可見何由踵高躅我耕南山
田我結南山屋下山交素麻上山友麋鹿還肯過鄰家
酒應孰

暮春

風雨不出門人事頗周決高齋誦金文虛晝了白業登樓
聊四望新翠滿林葉江南春欲暮日月如轉睫青山猶故
人浮世墮灰劫誰能凌汗漫長使函意慙

石橋山

磬筵南山下逶迤登石橋五涉曲澗水兩山鬱岿峩竇緣
度絕壁攀蘿俯山岵懸瀑瀉層崖冰華垂空飄盤紆上石
磴天梯颭回颺厠足得平地偕身凌丹霄八谷烟霞涼松
竹声蕭々會當發天秘翦此荆榛條結屋棲白雲覽矚千
峯遙土沃既宜耕山深仍可樵回之習天游已足遠世羈
悠然萬物表我隱誰能招

謝家山

結廬在南田已辭城郭謹山水未幽深擬謀泉石間野父
導我行同登謝家山緣溪入深窈絕磴窮躋攀憑虛橫鳥
道高回白雲関下瞰飛瀑流倚杖聽潺湲良疇忽街曠陽
坡冬不寒盤旋得幽谷外密仍中寬松根有伏苓竹本易
成竿願與同心人築茅棲烟壑去市十里許塵全無能手
食力中無慙傲然身世安

臘月過里敦田舍

天高北風寒日薄歲云暮衰年畏奔走乃復在途路山轉
投寓舍所歷遇親故具言遠別久相問未知處茲晨喪亂
中詎意忽懽聚留客坐西窓呼兒忙治具家釀熟未嘗舊
醅鄰所助筍蕪雜梅蓀火豆連蔬茹慚愧齒牙踈杯盤宜
我思雞肥割黃膏苦勸頻下箸雜坐同几席誰能嗔禮數

翁年當自寬鄙野得真趣
兩愿息兵甲田里無征賦
借屋傍流泉後子山中住

避地柵磨

三月初九日

鄰家急相報且往柵歷山
登陟如猿猴合沓同躋攀
遠迤火烟起指點望城間
柵磨不可住迫晚登孱顏
夜宿草樹中露下山氣寒

三郎山初十日

曉度三郎山雲深迤盪濕
斜迤下陽坡入牛競來集
汲泉吹野火煮飯分餘汁
扶難感梨杖歎倒僅能及
行不可望危峯倚天立

上鵲十二日

一窠巢上鵲俯瞰萬級田
扶携數百人夜宿荒山巔
正書

雷電飛驟雨奔流泉月黑
石磴滑歸路相攀緣後至
且勿迫小立聽潺湲

謝邊十二日

衝雨來謝邊滑路霑泥塗
舊鄰忽相見留我宿山居
然薪燎我衣取酒慰我劬
雖有骨肉親各在天一隅
感子勞苦意焉能念崎嶇

南山有幽士

南山有幽士白首在林坳
平生好音樂頗識律呂情
截竹作高管吹作鸞鳳聲
不逢師曠識但有農人聽
農人何所別聽罷心冥冥
但道是好音強聒不少停
此士廢為頽幾欲逸其形
安得似農人飽食心無營

僧別峯兩藏鄭子聲竹樹圖

空谷有佳人連蹇歲年暮清顏不可見香墨在紙素江山
澹微茫起我滄洲趣白石隱疎篁秋霜懸老樹天高鴻鴈
稀水落沙嘴露上人心迹空對此了言句亦欲擢孤蓬雲
深不知處

江仲謙恒德堂

江君世令族家在君山陽君山四千仞上有白玉床雲氣
出陰騭靈苗產陽岡仙人時往來石室留禁方江君往得
之歸為恒德堂九轉空青砂沃以神樓湯散入刀圭七冬
炎夏清涼天關一以全吾心乃夷康四海患痿痺齊民生
痛瘡國醫敢束手忍視全膏育大山多靈藥食之可年長
安得往從君吹笙住葯房

吳誠中千葉海棠

幽亭背喧郭嘉植標海棠穠姿晚露靚縹艷晴暉光三莖
布層巖一株殊衆芳瀟灑坐中人留連花下觴高歌送白
日起舞炫紅粧持以贈佳賞聊報五雲章

同御史鄭彥昭登丹臺韻

晨登鍊丹臺雲磴互盤曲五月居高明曠遠窮望目雨洗
炎埃淨涼風動梧竹遙峯明晚翠近瀨漱寒玉聯鑣得驄
騎杖策偶馳逐詩留紙上雲酒散樽中綠坐久獨歸遲鳴
騶出空谷

予作南田耕舍諸公賦者率擬之於老農噫人各有
志同床而不察世之君子乃欲責人之知己不亦難
乎曰任馮懷二首以自解云

白日不停馭頽波竟東馳忽忽年歲改念此將安歸我欲

驅車行太行路，噓噓我欲駕方舟。滄海無津涯，豈不願行
邁出門，揆所之有田南山下，可以供盛饗。有廬在口田，可
譚詩書上，探羲皇際下。及商周時賢，聖尚淪落，微生何
足疑。懷哉羨門乎，千載以為期。
種田南山下，土薄良苗稀。穉穉日以長，荼蓼塞中畦。路逢
荷篠人，相顧徒嗟咨。我欲芟其蕪，但念筋力微。終焉鮮嘉
穀，何以奉年饑。誰令惡草根，六蒙雨露滋。豈無力耕人，悠
悠興我思。

畏日

畏日不肯沒，秋暑過於夏。孱軀敬炎熇，感疾未能瘥。金錢
買藥，寒寢處不遑暇。每懷述林泉，無地安茅舍。南山在絕
頂，佛屋古松下。流水挾雙澗，清飈拂崇榭。我欲往從之，僧

榻仍可借，俯觀塵世中。揮手一高謝。

苦熱

苦熱中夜起，仰視天沉沉。衆星失光耀，雲霧生晦陰。豐隆
六憑凌，霹靂聞迅音。欲雨竟不成，徒受苦熱侵。人事不可
問，天意誠難諶。安得金飈來，悠然清我心。

謁釣臺

桐江兩石臺，竝立萬仞高。昔日羊裘翁，長緜釣秋濤。雅志
不在魚，白首躡江臯。誰知九重尊，乃是舊同袍。故態不可
除，林泉終遁逃。觀彼軒冕榮，乾坤一鴻毛。泊舟滄江側，捷
步追猿猴。下窺流水清，仰睇風雲豪。崇祠庇林麓，千載猶
君蒿。懷哉古人風，江流日滔滔。

秋日雜興

去年植芳樹花落隨飄風今年復花發一盈庭紅我生
固云晚不覩古誓容後此更千古耒耜者應無窮亭道傍
屋蔚生蒿蓬名蹟不可見誰知雌與雄蹈道悔不蚤委
形天地中

閑登屋西樓望見青山多誰家築新阡山下高差峩不知
新阡後喬木生蒿蘿白日不返照滄海無回波仰首見飛
鴈嗚嗚且和人生苦無歡爾鳴將奈何

陰雲垂四方炎謝氣將凜忽聽秋霖聲中宵警孤枕所憂
在田稼取不能寢昨日出南郊喜見秔稻稔二冒踐
遂趨獲得高廩庶供科役餘足以勞炊飪

秋園風露高叢菊有丹白丹者挺尋丈枝葉紛以碧結花
小如錢何以答春澤白范大盈圍心葉窮虫食卑棲衆草

中根幹繞咫尺芳烈固不衰終焉鮮顏色低昂不相慕觀
者徒太息
何樂不飲酒不飲持空杯空杯不可醉柰此悲秋懷躊躇
望南山天氣亦已佳有客請我歌抱琴為君彈一彈清商
發再鼓浮雲開孤鶴感此意起前舞毳毳但恐古音多不
與君調諧

城南初夏

樓居愛初夏暄涼適中時忻衆木榮敷陰映前池新竹
出高叢苔亦云滋好鳥時閑和鳴戀深枝南山如有
情相對如相期綸一藩外日夕車輪馳良時有再至古
人寧可追登高擬授簡掩卷慚言詩聊用逐時作詎當千
載垂

城西紀事

今日稍清適獨出城西村感時經喪亂風物異郊原林摧
見平陸寺破留顛垣高亭化莽墟華屋成蔬園徘徊在中
路偶聽農老言新苗未入土苗草日已蕃丁男赴徵調期
令集轅門况乃乏牛力苦辛難具論我聞增慘愴無策拯
元二身老不能耕焉敢飫盤飧

贈秋厓上人

開士黃金剝齋房白雲外尋師天台山貝葉寫經唄凌晨
餐正陽玉屑和沆瀣飛錫到城市刀圭起沉痾逃名師伯
休隱顯謝流輩有時樓石室宴坐真空界行藥度幽澗秋
雲濕霞佩我欲徃從之高蹈塵宇隘他年嵩少間揮塵一
投芥

南田廣悅體中見貽之韻

中田有耕舍乃在南山陽啓戶見流水雲煙鬱相望夙昔
江海心中年甘退歲躬耕聊寓情學道未迷方過游鄰里
間藹藹粉榆鄉倪君妙篇什時同賦草堂山林各况困風
雅俱淪亡慷慨但懷古迂濶空談王平生屠龍術匣劍收
光芒濟世得良醫不如君伎長救渾用寸膠誰能振頽綱
青山自秋色籬鞠亦有芳隣家酒可貫白稻吹新香陶然
任天真高歌成報章

遠適

有遠適我待志四方西馳窮河源東望臨扶桑南通
火維外北達練窳傍勿謂天地濶勿謂歲月長駕馬積十
駕千里追飛黃大鵬發天池搏風起翱翔誰能守阜樞不

復馳康莊誰能斂羽翮但學搶榆枋大道甚平夷誰謂阻
關梁寄言遠適者日進不可量

山陰夜泊

暮辭越城東舟子夜挽絳洳澮如同間旁午不流溢憑風
絲鷁涼過埃奔馬疾解拖湖中央須臾月東出是時新雨
過澍霽散祥商金盤初爛熳水鏡乍溶潏火齊投冰壺蟻
珠耀蛟室羽翰疑已生埃壒盡相失狂歌不能寐自謂仙
可必舟子正鼾眠見慣何足述

劉伯熙清溪圖

暫脫塵鞅繫結此清溪居僻從農圃隣時讀種樹書聽瀑
掃松石眠雲依草廬韜琴自無弦直釣不在魚未知穹壤
間寵辱當何如

秋聲集

七言長句

菟花咏

小金山中數塊石上出浮雲幾千尺寒泉飛下絕澗響若
樹倒掛蒼苔壁巨靈摩斷知何年中有古洞藏神仙蓬萊
宮闕浩香霧世外別有喜中天崢嶸磊砢相緣入雲霧
冥光景集丹房石室淨無塵甫樓龍擊半空濕山人舊說
絳花巖山高水絕無由採我來正值岩花發長嘯獨倚春
風酣同游雅士貪幽趣自斲山雲燒筍具兩山流水一川
花依稀似是桃源處世已紛吹戰塵山中道人却二問
欲從若位不可得一聲孤鶴唳空雲

希章子歌

好馬良有行實

子自說平生住。里長身如鶴在鷄群。豐頤脩鬚兩
鬢。蒼然神觀。九旬餘。老眼雖明不讀書。平生作賦。擅今
古。勇獵陣馬飛天。吳海壇河上。歐冶子。背撥放鶴雲臺圖。
上皆賦名。驚濤激石。下衆竇。品峻磊砢。相撐扶。東方平
牘。寫未畢。太白萬言詞。愈出海上一官清。俸薄老氣如虹。
終不屈。歸來至死。一擲寒至今。遺墨留人間。烏雲斷圭殘
屏。誰能惜。祇有吟。竟招不得。

為延平吳守實齋題張師夔畫西樓酌別圖

撫翁平生立。堅徒筆力妙。與元造俱。延陵公子遠。相訪為
寫酌別西樓圖。近山差。我石磊砢。遠水蕩漾。烟模糊。垂楊
元霜無盡。脫老桐。欲雪寒梢。枯飛樓縹緲。出天外。下瞰萬
頃。平流。翔若非。潯陽。浸月之江。渚即是。洞庭。落木之重。關

有美人兮。涉遠道。念王孫兮。怨瑤草。思臨水兮。送將行。更
登樓兮。憑情。抱魏。上國黃金臺。迨一曲陽關。杯酒酣
拔劍。更起舞。舞志氣。上薄浮雲。開人生。何用傷離別。海岳神
交盡。豪傑。頌洞風。塵不可留。千里依然。共明月。還君此圖
歌我詩。安得與子同襟期。君不見平生鮑。外能我知車笠
解。有相逢時。

吳伯昭紅蓮綠幕圖歌

烏君之山從西來。拔地萬仞青崔嵬。劃然磅礴下江澗。林
麓隱。樓樓臺上有飛蘿。甍古喬木下有滄浪萬頃。昔
如苔。紅蓮綽約。泛渚淨。綠幕縹緲。臨湖開。雲烟捲。風鳥與
波。窻戶洗雨冰霜。面高人自是青雲客。日向湖亭賞山色。
昔年走馬踏紅塵。射殺南山雙白額。今日綸中羽扇。關獨

面清冷飲冰藥喜新收投勝負空碁枰罷局機籌息短後
公子昔稱賢畫手復見今道玄有聲之畫宜詩篇為子作
詩將畫傳

贈何萬望

瀧流繞郡山如戟黃茅峒深秋霧黑幽篁蔽空巖鬼嘯絕
礮下水沙蟲射生猛持刀既雙足出入如飛踐荆棘官軍
相持不敢殺年々出峒來為賊何侯挺身諭其渠深入不
用一卒驅推牛醜酒拜縣令叱散部伍從降書君不見伏
波將軍征五溪瘴雨濕衣歸棹遲又不見今公單騎喪虜
魄萬馬不嘶邊月白古來豪士立奇功何侯身老心力雄
上尊醪衣拜賜畢歸釣白雲清渭中

題辛庸之所藏子昂畫淵明漉酒圖并書歸去來辭

先生歸來三逕荒宅邊五柳森成行野田流水春欲暮種
秫自斲南山陽苗稀草盛收已薄畢歲未可供喜觴前年
彭澤酒一稔已具殘勺開糟床鄉里小兒不解事使我掉
臂歸紫衣偶然得米釀為酒籬下又報秋花黃呼童漉指
醪孰否甕面盎、浮雲漿抵將頭上葛巾漉下注瓦缶流
泉香科頭席地竟一醉白日嘯傲登羲皇元嘉甲子不足
數陶然醉境真吾鄉栗里先生百世士吳興學士遙相望
畫幅入妙書更羨翰墨一代傳文章辛君得之能寶藏我
亦長歌、慨慷

貧女吟

貧女娉婷年少時綺窓日、畫蛾眉不羨桃花粧咲齷齪
隨楊柳關腰肢寒機織得雲間素青鸞一、街花度自裁

春霧作春衣含香試縷薔薇露長憐玉質鮮傾城誰料須
家嫁不成年去年來春色晚花開花落兩無憑時時自理
閑粧篋尚有翠蕤金奩葉玉纖不似舊時粧瑤臺更度
三疊紙今老大白頭新如何却說嫁商人貧女貞白母辭
貧猶勝東家女兒嫁得不終身

胡氏搏南圖

北風吹雲沙草黃日落曠野天茫茫
征人露宿霜月苦猛獸擇肉夜跳梁
殺虜全夫匹婦志畫圖凜凜猶生氣
丈夫儋爵折人圭千載猶能激忠義

題墨菊

江南九月秋風涼秋菊采采金衣黃
近時丹丘出新意却灑淡墨傳秋香
青城學士曾題漆散落人間共傳寶
卷舒

造化入毫端回首東籬自枯槁
東陽傅君心好竒何處得此秋霜枝
湖湘袖子遠相貺筆勢迥與丹丘
立齊香英細感玄玉屑老幹拗斷烏
金折不隨粉黛學時粧自與幽人同
志節淵明已逝屈子沉晚香縱有誰
知心感君畫圖三歎息為君長歌楚
天碧

李將軍歌

李將軍少年意氣輕浮雲青絲絡
馬黃金勒寶劍錯鏤交龍文十二
高樓連廣道千金結客大梁門昨
日弯弓連白羽射殺南山白額虜
歸來饗士酒千鍾自向青樓按歌
舞前年起兵從義旗斬將陷陣身
如飛上功幕府久未報有酒不樂
當何為

直沽客

直沽客作客江南又江北自從兵甲滿中原道路艱難來
不得今年却趁直沽船黑洋大海波連天順風半月到閩
海只與七州通賣買嗚呼江南江北不可通只有海船來
海中海中多風多賊往知來年來得無

遠別離

遠別離百里奚西戎已伯君當歸人生莫忘負賤知至今
令人思戾戾

遠別離秋胡妻五年不見容顏非學成無患富貴遲吾寧
採桑待君歸

悲秋詞

長歎復長歎芙蓉落盡秋水寒庭前百草枯爛死游子日
暮衣裳單白日悠悠歲將晏江南水深波浪散鴻雁不來

江水長零落秋雲滿江岸願天吹作凌天風吹開白霧清
暘紅愿天化作炎天雨物昭蘇感天語

從軍行

秋風漢寒雲低隴頭野鴈隨雲飛北方健兒長南土學
得南語相嘍啣羽書昨夜到行府下令急點如星馳明日
橫刀出門去回頭不得顧妻兒山城止舍休十日百姓餓
給無飢疲路上逢人寄書歸道好將息無相思重閉夜度
月落早五嶺冬戍天寒遲買羊擊豕且為樂破賊歸去知
何時

蘭溪夜泊示同游

昨日一帆風力輕一日已過三日程今宵一船江月明萬
里一色秋空青江清月白炯相照宇宙澗瀆無纖塵君不

見采石江頭李太白醉着錦袍天地窄騎鯨飛上九天去
世上紅顏污不得又不見赤壁磯上蘇坡仙扣舷歌罷心
道然洞簫聲斷碧雲散子載尚有遺音傳今夕何夕見此
月水色天光共奇絕古人已逝不可留長嘯一聲山石裂
臨高望遠誰能從清景已復隨飄風推蓬欲起為君舞忽
有白鶴來江東

黃仲文雲松巢歌

君不見謫仙翁揮斤八極如游龍東行搏桑過若木隘視
人世不可容九江日上見五老攬身祗欲巢雲松雲松之
巢出天表九點齊州蟻封小醉翻江水挹天瓢仰視浮雲
沒孤鳥騎鯨一去天地空玄圃三山白雲繞誰似黃家公
子賢放情飄蕭懷謫仙有詩萬卷比秋月有酒百斛如流

泉名囂利聒不到耳綺窻阿閣浮輕煙結巢亦與雲松伴
自拂天風凌汗漫句裏哦成碧水秋毫端貌得瀟湘岸長
松落雲冥冥歲晏懷君霜霰零流脂入地應千歲寄我
春山煮茯苓

愚夷行

愚夷出沒如飛隼右手持刀左持盾大舶輕艘海上行華
人未見心先隕千金重募來殺賊退心驕酬不得爾財
吾黨婦吾家省命防城誰敢責

莫樵行

莫樵射生蠻峒谷窄袴短衣双赤足前年應募作官軍惡
少如雲擊裝束千村一過如蝗落婦滿軍中金滿橐豕冠
擊碎且勿嘆鄰寇不虞吾所託

負薪新...
買家臘...
風...
十載正月吉雨雪陰霾少晴旦亂離竄匿飢寒死工宰有
無惟...
天不恤一命不霑寒士族雨師汝靈胡不仁元日人日乃
有神赤土槁苗道何所天威人虐民獨苦

題新城彭元履賑米卷

君不見東門冠蓋如流水武斷稱雄跨州里又不見北里
笙等聲沸空千金結客五陵東董家豈無儲粟塢盧家亦
有多田翁京坻倚疊誇紅腐一粒何曾到魚釜謾令饒客
長飢涎寂...朱門鎖煙樹何如盱水彭徵君發粟盡活饑

年民相逢相語無德色况受朝省酬官勲陰隲冥...天福
善八十童顏身更健只今生子又生孫舉義除殘保鄉縣
彭家世...名義敦食報定似于公門須留鐵壁障江表河
潤不隔關山雲

分題送黃汝楫

舟...孤生竹生在崑崙之嶰谷直節離...出地深寒梢蔚
蔚參天綠竹高不受霜雪侵願君同保歲寒心竹管可...
蕭韶聲願君吹作鳳凰鳴鳳凰鳴致時雍九奏方知孤
功

題連可大監遊武夷卷

吾堂有癖惟愛山夢魂長在溪山間秘書示我武夷卷
似着巖窮...三十六峯碧煙雲出沒秋屏顏丹崖

翠壁千萬狀靈花異草何斑斑。上有七層霄羅級下有
曲澗浪灣仙人野鶴互來往但聞雞佩聲珊珊紫陽夫子
昔曾住傲視塵寰浮雲閣權歌一曲天宇濶至今遺響
人寰桃花流出前溪去石門不掛春風閒平林山色自
蕭然我欲與子聽潺湲

采薇行

陟彼西山言采其薇清晨荷鋤去日晚東擔歸登山不厭
高山下薇苗稀斲土不厭深土淺根不肥不辭登高斲深
土但念妻兒常苦飢赤日行天燥土熱流汗被體霑裳衣
家二搗根相杵相間經旬不粒食枵重筋力微汲泉澄粉
作餌薄菜色已覺顏容非嗟哉田家百苦無休時野人見
之心益悲達官貴客不到此日醉華筵知不知

秋聲集

長律

送高善補化顯中赴秋闈二十韻

聖世恢文治賢科擢雋材風雲連地起日月麗天開
宗磐衍同文國本培羽儀生鳳穴神駿出龍媒况子年華
盛由今學力該源流通渤澥搗藻遍昭回
垣集上台山河金誓託柱石鼎臣陪鼻祖
自裁露濃花作縣風遠柏為臺勸鳩當三歲馳書動九垓
浙江雲洶湧闕嶠月崔嵬絕漢留攀桂
閩海雨鱗躍島門雷畫省文章雅丹墀禮樂剡學期先後
造名擬冠倫魁玉對榮諸謝斑衣慶老萊天津環列宿雲
落絕纖璞逸氣餘篇翰高情寄酒杯旗鈴探喜報應待捷

書催

投贈鄭守光遠三十韻

累洽開皇極分藩重守臣列茅周土舊分竹漢符新師帥
能宣化儀刑家近民隼旗張日月雌閣麗星辰地紀逾荒
眼天光照遠人選材歸德器分命管朝紳一代文章伯群
心恬恃親祖風光藹藹家學早振振聽履曾馳譽工書固
絕倫九苞騰鸞鷲千里驟騏驎伏引陪供奉官聯屬選論
河源通折水呈象擁勾陳暫輟中朝紱來紆外府輪土風
連太末山節簪全閩佐乘臨漳浦褰帷入劔津近河能借
潤依燭解光鄰化雨蘇民望祥風洗瘴塵袴襦歌已決刀
劔俗咸悛山郭惟樵郡封鄰接海瀕地偏田少沃土狹戶
多貧捐瘠穢瘵并流亡寇役頽震思大厦枯枿溪洪鈞

幸借循良牧咸依撫字仁晝長簾似水更靜月如銀赤社
分南服清都拱北辰報省三月政和覩萬家春少日探經
筭類年愧席珍雨畦仍把耒風艇自收緡喜見瘳民瘼無
由傳吏循祗須成德化濡筆頌堅珉

送監郡曲出通議公致仕歸維揚一十二韻

近郡稱良牧如公實罕倫處家原儉朴施政本寬仁不擾
心如水無私化若神鎮浮安屬吏持重協同寅憶昨虞汀
寇煩公撫卹民孤城存保鄣列壁靜風塵課最逾三載生
靈煦一春村村田悉墾戶戶粟皆陳大府方交剡高情自
乞身攀轅徒擁霸遮道莫留恂淮海通諸夏溪山望七閩
作詩無溢美端不愧風人

贈奉使宣撫散散二十韻

寶鼎承香祀與圖誌百王際天開日月率土效梯航累洽
規模遠匪華法廣敷建官周典禮熙績帝文章總總繁生
聚蒞老闢王疆赫羨慶祖澤節屋慮遺光宸闕憂方軫宵
衣寢乘違疇咨及傑用直指使華將曠典臨軒重洲裏布
詔詳簡閭遐可通冠蓋蔚相望秋氣騰鷹隼朝陽集鳳凰
渡江搖嶽影壓境動星芒蠡澤魚龍窟閩山水石鄉德音
昭兩道威譽聳殊方人瘼先扶拯官流盡激揚煦和涼雨
露推斷肅冰霜財力東南竭饑瘵十九亡繭絲期重惜琴
瑟復更張伏謁慚衰櫺陳詩忝泮璜愿眷歸奏日竹帛永
垂芳

從張子章假唐書觀畢作此歸之

蕭灑張公子清脩名不虛特尋山水趣日與聖賢居亂世

不學武散金惟貯書琴樽長日外燈火早秋初孝友光門
附才賢技里間壽親環練服佳客曳華裾蓄畫俱名品娛
賓始一舒歲文尤善本尚友侍三餘鄰軸誠多子唐編不
恠予轉頭忘記誦寓目送居諸假久情知厚還癡計恐疎
星垂天祿校雲繞道山儲整帙矜全璧馳函愧報珉經籠
傳善慶應觀化龍魚

和吳誠中感興六十韻

十載嬰離亂三靈紊紀綱長雄尊武斷氛浸悔文昌赤子
還思漢皇天只眷商未能喜痛哭誰合傳循良邊鄙時猶
昏汙萊歲亦荒蠶芝憐綺季採藥羨嵇康寤冥山林路紛
紜眷利場舉杯浮月影披初動星芒濟壘連堅壁焦蘇遠
鏡履蓋歲空里卷儲情盡倉箱不獲安吾園何由請修疆

飛映蝶波暖浴鴛鴦歲久家山近春添草木香故人情獨
厚老子興衰長瀨釣狂如故盤居樂不殃開扉延竹迺展
席蔭茅堂屢舉相先後交游半在亡忘形諧咲諍好客謹
迎將拋李門塔暖風雲水石涼悲歌增慷慨速引迫倉惶
成壘何曾撤田家亦可傷幾時韜甲冑何日返耕桑涉世
艱嘗備偷安願少償斷雲新迸筍鋤水欲抽秧俯仰心猶
壯登臨力尚彊鶯鳴晨喚友蜂起午朝王露葉丹砂滴風
篁翠葆張緇香收野碓酒熟出鄰壻步屨穿林塢扶筇度
石梁雪晴山芳崩煙晚對蒼茫志可林泉遊情難畎畝忘
巢居遠猛鷲陸處避懷襄淚盡萊公竹飲沉名伯黨薰征
思馬葛增秩想麒麟黃狐遊令先甯狼因用牧羊閑河連灌

莽郊甸厭糟糠款段蹄新鑿驂駒首獨昂十歲矜鼠腊千
仞覆蟻娘上將專缺缺遺黎出火湯同袍能遐迩散策
徜徉田里無愁歎鄉鄰不哭喪探幽尋絕谷窮睇陟崇岡
適野何煩騎臨流詎假航歸袍安綺製羈彼飲膏梁玉糝
調羹法松花釀酒方紵溪仙館集樸石並處遊野藪羅珠
蹊山花麗靚粧星壇逢菊子雲洞入剡源地僻觀極天
清遠雨狼絳霞勻醉臉清露救吟觴擬擬襟期清却知
髮蒼有尊開北海無語問東方聖王無延訪青芝數
集飛從劫漭清濁辨藏連姻共村落結屋傍林樾石
多可坐無幾幾幾幾幾幾幾幾幾幾幾幾幾幾幾幾
南河粉香

秋聲集

序

贈李子奇序

同郡李子奇有林藝而自隱於世者也子奇幼孤貧獨與其季奉母居陋巷浮沉里中泊如也然好學博古於鐘鼎篆籀分隸之書律呂還宮正變之法有能知者莫不辨而究析以求其端尤善琴得美材輒親斲斷調絳漆沿飾製範古雅遇水竹佳處正襟撫几為鼓一再行陶然適趣傍若無人若非其地與非知者即強之不顧也先漢公孫印章多所考綜凡圖書款識或範銅鐫石為之得良朋友即與無靳也若非其人雖貴勢厚資不屑也所居庠垣敗屋風雨不庇而華裾連騎之客日造其門儲無觀石而奉親



新米之具當盡其歡心好事者常周之而未嘗苟受博雅之士常樂與之為友而亦未嘗苟同吁若子奇者蓋未易測其所至也人患不能名一藝有藝患不見用苟用之焉暇擇其人而為之去就貧患無得苟有得孰能計其義之當否而後取是皆常人之所難而子奇以為易者也今有位者巧宦而益尊多賞者豪奪而益饒然而未常有行學之可見乃使介然有志之士沉困於窮閭豈得此遺縷司造者不能齊耶將俾不奪於外得益致精於其藝耶是未可知也曰子奇之事不能無所感故次第其說而序之

送趙行岳由海道赴原序

君子之孝於親者要非一節而其著者莫大乎以其親顯是以德盛流光德薄流卑雖其名位不同禮亦異數而所

以顯其親者無內外之殊也國朝著令官由七品以上皆有褒卹其先之典第其資秩由一世以至三世崇極盛矣光榮其身以及其祖考予以勵臣子而勸孝忠也故凡君子之於仕也知榮其身必思榮其親思榮親則凡所以守其身者敢不慎乎廉以抗節公以盡職恕以泣衆忠之屬也忠則足以保其位而榮及其親孝之至也今番易府判官趙侯其始繇祿辟起家累遷閩幕佐郡府歷有政譽其淳篤廉慎未嘗撓法以欺已居常懇悃自勵故其駁歷最課拾級超授以年及告老得請于上今階朝列法當增秩得贈其祖考其子魯將航海達京師而請焉魯學篤材茂工翰墨為辭章灑灑有英氣而事親誠孝事兄誠友見長者輒謙下如諸生不以己有自為慊也去歲嘗犯歌毒越

亂區間闕以需省徽今又勇涉鯨波不難萬里之阻必成
父志俾澤及其兄一以為已任魯也為人子若弟可謂勤
矣天朝以孝理天下當軸虛已方求忠臣於孝子之門則
是行卹命優纒爵為家榮以魯之材又將為羅俊者之所
獲惟益勵脩進則父之得顯其親者又必在其子之身矣
魯字行吾真定其世家云

送黃文伯序

余嘗聞古者論譔先世之美必有銘文載在金石其曰明
足以見之仁足以與之知足以利之蓋一舉而孝子之三
善備焉故湖廣提舉蕪水黃先生繇泰定丁卯擢進士第
官翰苑十餘年出領文臺又七八年以歿其嗣子樞模梓
奉柩歸葬于邵武龍岡時遠日有荆鄂去閩小陸且數千

里沿江涉湖蛟龍龜鼉之所出沒諸子哀痛扶護至家而
襄事方殷於先生學術踐履歷官行事俱未及有所論著
既模等相與謀曰昔先人仕為翰林典籍檢閱應奉三與
今大興尹趙郡蘇公疊踵交承雖當代名卿托交者衆而
相好之久相知之深皆莫蘇公若也於是資其季梓奉先
生之門壻上官文本所述事狀走萬將求蘇公之筆以銘
其不朽焉嗚呼先生之美非明足以見蘇公之書非仁
不足以與嗣子之名非知不足以利梓也是行亦可以為
古孝子之備矣梓字文伯侍先生游宦朔南與門人同講
學嘗登名胄監矣今不憚遠役惟汲於先人之善不傳是
懼且將奉其祖母夫人封誥以歸皆事親之盛舉也故余
嘉其志書此以送之

陳克明一笑集序

宇宙間生人無窮學者相望立言以據蘊著書以傳世人各自為集蓋已不勝其浩穰矣然其間傳不傳亦有幸不幸焉自秦以上錄載籍外旁及諸子百氏今存者有幾自秦以下著述者又不知其幾人六朝煙燼之後今存者又不知有幾烏虜六經元氣也孔曾思孟之書日月也諸子百氏或醇或疵猶列星之有祥禳也下及史策文章賦詠紀述之徒大者如龍吟雨嘯呼吸變化小者如時禽候蟲亦各觸機應籟而不能自己者也作者無涯傳者有限祇可為古今一大嘒已吾樵由宋肇置郡邑顯人輩出家各有集而韜晦林下者亦各以其寓據其所素大篇短章刻之學宮者有矣昆明灰劫悲為六丁取將近陳君暘谷搜

掇寸片得諸家將梓傳之而未果豈吾樵文獻終不足徵耶陳君克明亦樵人也有一笑集載生平所著文若詩若干篇且言所載者僅戊子水後之餘耳其與洪濤俱逝者又不知其幾若干篇也吁當陳君之世已有不及傳者矣則乎宇宙之內隨飄風泯沒者亦何可計哉雖然作者苦心一也不可以不志其傳不傳則有幸不幸焉爾陳君求予序亟謝不敏姑志其所感者述于卷端

竹石小景序

三華伍君元如父丰神灑落襟度夷曠自少力為學壯適四方客遊都下扈從上京往來輦轂間十有餘年所與遊者皆名卿材夫夫戰藝玉堂得正象郡文學乃道齊魯沿淮溯江西遊赤壁登黃鶴磯過洞庭以達三湘八桂由是

都城宮闈之壯麗禮樂儀章之盛大中州之文獻河嶽之高深波濤洶湧烟雲出沒風雨晦冥之變竹樹草木之奇人情物態之寓皆并吞兼有於胷中而一寫之於詩矣及其既歸司造者又以君詩欠未盡酌吟境未盡歷復職教烏蒙俾上瞿塘三峽牂牁夜郎以考乎子美太白之遺迹寫之於詩當富之於前既戒裝得故篋所藏二紙曰感舊游作竹石小景題曰湘江夜雨楚岸秋風過邵武以示余余讀元如詩如見其畫今見其畫益足以徵元如之詩矣夫詩以聲其景而言或不足以盡其意惟畫以宣之庶乎其盡之矣余恨不得從君於滄江之上掀髯一望艤棹一聽先生歌於前而余也必當撫掌而和於後先生行矣他日歸而過我解裝倒囊示我詩畫寧不一笑而有發於予

言也夫

送涂啓仁教諭順昌序

延平屬邑曰順昌距昭武數舍而近双峯並青二水合秀亦溪山佳勝邑也故廖公子晦爲文公先生高第弟子其師友淵源所漸至于今猶有可考者焉涂君啓仁復以通洽之儒去爲百里師地既清奇材亦俊異秀民穎士多在大小山長谷間啓仁得而誨之異日彬々文物之懿復如淳乾盛時必自吾啓仁啓之也抑僕於校官之每有以告之者非瀆也誠以秦漢以來先王所以教理天下者獨學校以一綫之名勸存而教理之實則不同矣古父師少師皆任而已者今校官率未命仕而已則尊重莊嚴教壹而學繼未命則第爲階進之途幸歲滿即遷矣古之學者由鼓

篋孫業知類通達皆脩身履行之實後世假有月書季攷亦課試文辭之事然則學校勵以名存奚足恠哉昔程先生表章大學朱先生復作小學書今二書具存其所以教人之法具在啓仁能取是書而教之學者能以是書學之則德立材備於文詞科目有不足爲矣於是啓仁既行河橋觴徹篤人告具摻袂賦詩目極流駛此朋友之情也若其羣席餘閒寄興毫楮有遡風而西馳者郵緘遠示幸勿金玉

餘慶堂集錄序

餘慶堂者武略吳公之祠也其集錄則祖子孫三世事也祖子孫三世事而必冠以餘慶者本其善之所積也必繼以子若孫之事者大善報也必書者以勸善也公三華人

少卓犖有謀勇宗季邑民團結自保推公爲長王師下江南略地閩中公率衆內附屢平寇有功累擢武略將軍同知廣德路事是時海內新定國家不愛爵賞以收豪傑之心多即所部授之將樂皆公所統生殺予奪制于掌握雖盡收其財物悉有其土田弗禁也而公獨保鄉井戒滿盈所戮皆寇未嘗妄殺一人所取皆義未嘗苟得寸土然其逮下有恩居鄉好義三尺童豎莫或欺焉至于令鄉之人猶能誦之蓋公樂善之誠出於至性非有所矯揉覬望而爲之也子遜齋毅愍侯有文武材伏節死難朝廷嘉之褒卹有爵史館有傳孫松泉宣慰公昆季三人復讎報國所歷仕俱有政聲此皆其積善之驗甚章明著較者也易曰積善之家必有余慶以予觀於吳公之世聖人之言不爽

毫髮矣故錄時人所述曰餘慶堂集俾覽者知所勸焉

僖元魯代祀南海序

國家統壹區夏奄有無外山川秩祀皆在封域之中而海為最遠中國隆治則海不揚波風雷不作朝貢轉輸之物焉鹵牢益之利充溢於外府大農經費常所資焉其為功為甚大南海在番禺之墟去京師萬里其神祝融於四海之次為最貴三代皆有常秩至唐爵以王號則崇極已盛矣朝廷歲命近臣奉香幣即其祠而祭之故膺是選者必得通經習禮文學謹愨之臣始克展儀申敬報功隆貺為聖天子祝鴻釐以敷佑于天下則與是行者可不謂重且賢哉至正十三年春僖君元魯以翰林應奉承命攝祠焉禮成既歸其大夫士咸謂代祀之職以材見授足以為君

祭交於神明登降薦侑牲脯酒芬時歆時饗靈飈景鑠臍蟹旁達又以為君賀乃作歌詩以述其美焉元魯以經學第進士父子昆弟世科之盛天下莫能先之矧夫孝以立其基廉以固其行文章足以致其辭令天資既厚而學又足成其德焉若是則光承國之大事固無慊矣於是詩成屬僕為序

贈江仲謙序

杭川江仲謙儒而醫者也特挾所有適四方來請予言或曰儒醫二術可得兼乎曰非二道也醫蓋儒之一事耳昔之立極成務者始炎皇軒后嘗藥石以濟天闕述問對以審療治後世宗之實聖賢之一節耳天下事何莫非儒者事哉自九家既別裂儒道為一流世之待吾儒淺矣而吾

儒之所以自待者亦隨世重輕不能不以彼此爲取舍計
吁亦久矣今儒者明經術可以取青紫釣利祿苟道得行
則爲尊主庇民之事視業固相去遠矣然不偶則終無以
及人至其能利物而有推吾之施者不得不於醫而發之
也雖然禹以已溺眎天下溺稷以已飢眎天下飢醫能以
人之疾爲已疾則亦禹稷之心矣赤子將入井則怵惕惻
隱之心不期而應醫而充是心則亦必無乘危以徼利者
矣然則醫與儒果二道耶仲謙根本於儒而旁達於醫余
懼以世淺吾儒者自待故告之以是非徒以其術同亦以
其心同故也使世之知仲謙者必曰醫非儒者不能也豈
獨辨盈虛逆從爲足以盡聖智之情哉

張秋水蔬圃十詩序

昔之論菜食之勝者曰春初早韭秋末晚菘蓋隱而未仕
者之所知也樂田園之居者曰采菊東種豆南山蓋已仕
而去官者之所適也夫未仕與去官者不塵於簿書不汨
於期會無趨走奉承之役其優於樹藝而飫於藜藿者固
其事也若夫進則有居官之守退則有爲圃之娛外雖若
空惚而不給內實則優游而有餘是乃昔人之所不能兼
者也今令尹秋水張公來司征于樵且攝邑政寓公于紫
雲溪上有隙地環其居公退之暇命圃人芟其荒穢蒔蔬
十數畦日出坐曹釐務政無不理入則擷芳苒鮮哦詠於
其間得爲絕句者凡十首徜徉整暇脩然有塵外趣蓋所
謂兼昔人之所不能者也或曰公爲政而心乎治圃豈當
務乎余謂公於圃事蓋有意焉夫嘉蔬者養人之良植也

榛穢者賊物之必鉏者也使公爲政剗其弊剔其蠹封植其善良而扶樹其教道則公之治斯圃也乃所以爲理斯民之術也所以兼而得之者又何異乎哉於是李君復禮率士交聞咸屬和之而僕爲之序云

鶴田集序

鶴田集者師文蔣先生之所著也詩文凡若干篇其門人輯錄離爲彙次凡若干卷先生繇蚤歲勵志篤學及壯適四方徧交當世名士博萃未見書藏于家者至數萬卷學益精聞見益廣由是摛發所蘊肆筆爲文若長江巨浸汪洋滂沛而不可禦遏者以其源之深而不可竭也然先生能以材見重當世而不能枉已以干進其文能追古作而不能合有司之程度是以棲遲一壑不獲推用至其立言

載道有以淑人而行遠者則政在此而不在彼也僕年雖少長而學則不逮託交將三十年皆所歆慕而不可企及至於相觀之善有以儆僕之愚陋者亦多所蒙矣今春辱過余南田之舍見示此集留寒齋玩讀者再四因得叙其梗槩庶讀先生之文者知其學問淵源之所自云

李子章淳古卷序

天下之絕藝而有功於儒雅者惟標飾之爲難工也昔者精於其事而得延譽於當世率皆高智弘博之士若宗之范曄虞蘇梁之朱异徐僧權唐之王行直張龍樹輩莫不擅名天府拔萃時人豈徒以小伎末作論之哉近世稍稱吳中陸氏余嘗觀於武夷清碧杜公所藏智永真蹟千文切歎其歷世已久而縑素猶新蓋陸氏之所標軸者其補

綴缺腐略無瑕迹徐以日暎之然後稍見張彥遠所謂密其隙縫端其經緯厚薄均調潤潔平穩者陸其庶幾矣名又豈虛得哉昭武李子章氏質淳而尚古質淳故氣不麓暴而可馴致於有爲尚古則不畫於自滿而求志於高遠奉親餘日輒嘗游意於標飾之學持其可進之資以進於技蓋將駸於古人矣角東邊武伯京氏當世名流素慎許可特於子章書淳古二字加爲說以表章之吁前代法書名畫散失於煨燼漂沒之餘而所謂裝標之精者亦無所考其迹矣子章惟能因乎今以造乎古則在專壹致精而已凡學皆然豈獨藝哉

真率約序

真率會者宋元豐七年司馬文正公以提舉崇福宮居洛

因者英會與司馬伯康席君從王安之楚正叔王不疑從敬達等七人爲會約而有是名所謂真率者叙齒不叙官爲其務簡素之義也至正六年夏東陽凌雲周先生來官昭武是邦山水清峻俗尚簡易文書省約無珥筆之風使傳稀少無利蹄之轍未午休衙郡以無事先生襟度夷曠不以事物嬰懷公退之暇惟延接儒雅賦詩酌酒脩然有蟬蛻塵埃怡神物表之意因與城中所交庶老共脩真率之約將擇勝尋幽招賓攜具以佚吾老焉或曰昔文正諸公皆一時元老固有益以樂其樂者我輩一介草茅其何敢竊是名哉余曰以位言之誠九天之視九地以時言之方今君聖相賢混一全盛我輩得爲太平幸民又豈元豐之所可擬哉然則時撰杖屨獲從先生徜徉於登高臨遠

其約亦足以樂堯民擊壤之樂矣豈非幸歟或者曰唯遂

僧微堂竹石卷序

余友鄭子聲為微堂師作竹石小景一卷竹緣坡而生者數箇老木葉脫枯梢槎牙者高下一二株坡上石三四段大者如偃小者如仰坡石之間細草蒙翳若蘭若茗者數十葉草石之下則頽水矣水之外平浦沙磧煙雲出沒蓋不知其深之可測而遠之可計也古人謂咫尺而有萬里之遙斯可見矣余嘗與子聲艤舟滄江垂釣白石雨歇而平波不流雲歸而玉宇澄碧琅玕晝晴沆瀣秋滴長歌一闋響振林樾曾不知夫世之孰為失孰為得也故子聲能寫其似而余能道其意以嘗親歷而深知之也微堂雖岩

棲澗飲恐未領此今乃將西過洞庭東之蒼雲必得此景必能為我賦詩數篇他日歸而舉似於我二人尚當相視抵掌一咲然後知余與子聲知之為真也故書此為別且徵後會

遊北遊序

世言五方之民風氣不同人性亦異余始疑其說焉以謂人受中於天地其本則一孰限夫土風之間哉然吾鄉歲所接者若儒服者有方技者若醫者卜師相星善書祖郭氏山水者其人率皆兩江二浙北至鄞瀛恒岱之閒所生皆樂此而不去去而復至者吾邦之人則否據可食之土緣可采之山老子長孫於此雖仕與賈亦輒旋顧其桑梓無有棄其家若里而他適者此豈其土風使

然耶吾觀吾邦洎城邑墟落其中夷衍其外重岡疊嶺其
下流若擁馬遮道而不得去者至江與浙之北則萬里遐
曠無險阻壅遏以限其行則所謂土地風氣之使然者信
矣李君中明世為昭武人繇父祖以上儒閥振：庠序里
閭所尊畏余所聞見而知者中明能世其學本之以儒術
而又汎濫於曲藝其有方技若墳素河洛範圍占相繪事
青囊其學率不下兩江二浙鄞濟恒岱之人齒且壯矣未
嘗有千里之適其友交勸之且曰子無惑乎風氣之使然
若夫狃於習而安於土者凡民也所貴乎士者惟能卓然
自投於流俗而不為齷齪斤：之行惟義所嚮而已子不
出將奚待於是中明慷慨愿行且以屬於余：曰中明行
矣所歷佳山水而有以發其胸中之耿：所見賢大夫君

子有以究所未學他日歸而悉以告我所謂士別三日當
刮目相待者余所望也中明余母黨而又鄰也不可無贈
乃書此以送之

家祭圖序

祭古也生於人心之不能自己者也自秦漢以來先王之
禮經不傳於世雖有存者亦穿鑿破壞其存乎人心而不
能泯者終無以表稱而節文之至國異家殊無所統壹因
俗就陋度數不明禮意不孚幽明不接福祐不介有尊尊
親親之心者其能自己於斯乎文公朱夫子奮乎百世之
不獲捨殘墜罔温公之書而損益之通乎今而不悖乎古
約貴賤之中量豐節之宜定為冠昏喪祭四禮品式燦然
簡彙易其大要以誠為主而儀物以章之行之天下人

心其有不古風俗其有不厚乎先君子壽山翁早孤家破
流離轉徙雖在逆旅即設位祭其先卒勤植立餘五十年
始築室於城南之圃將謀所以行於家者一法文公之教
事未就而即世嗚呼痛哉鎮成學術荒淺無以仰承先志
廼即所居為祠龕神王奉四世而祔以先伯父母歲時薦
祭依家禮而又擗節之使為可繼歲合祭二夏用端午冬
用歲終祭先祖用除日餘祭就祠堂便家費也方祭之日
躬率子姪男女盛服執事更遞捧薦登降拜跪盡恭致潔
儼然肅然真若有見乎其位而接乎其容聲者矣禮既油
然憚憚然後知禮之在人心而不可已者如此予懼後人
執禮未熟則不能無忽忘也乃取其儀用著于左將以貽
永久云

秋聲集

雜著

福州萬歲寺重修報恩定光塔銘并序

福為東南鉅鎮自唐季王氏據有其土篤信釋梵靡然成
俗塔廟之侈至今尤盛至正壬午余寓三山嘗過九仙之
萬歲寺寺負山為浮屠七級上觸霄垠下蟠坤軸所謂七
塔者此其冠也然仰則焚筭敗撓俯則楹礎蠹腐四周則
霖霖漫漶意者歲月滋久而然歟及其門乃見伐山之巨
材琢石之脩楹充積于地者犬牙其間進見其寺之僧曰
退夫者詞其將有所繕治欵曰然今將循趾及項盡撤故
材而新之將以今年某月日肇工矣余曰茲役重大豈君
衣袂之贏足以自具歟抑高貲者奮愿出力歟何譚之易

而不揆其終耶曰為山者肇於一篲適萬里者起於跬步
天下事患不志於有為苟有志焉為必成矣余姑應曰諾
而中則竟未必其能然也越五年詢來者則咸曰塔一新
矣又十年乃得其寺僧大蔭介曹南吳君之書至曰塔既
新而未有銘刻謹具錄營作顛末願求文以述之余發書
乃撫几浩歎曰退夫始無一泉之備而卒成不貲之功信
夫有志者可必其有為而君子之於事亦無所憚其難者
矣按舊志塔始於唐天復三年瑯琊郡王王審知之所創
也高二百尺周廣七十有七尺墜地深五十尺紫石為址
及二十尺俄有寶珠之獲承以金錢光耀奪目人咸異之
故以定光為塔號宋景祐中雷震其西北隅主僧行秀得
施者錢九百萬治五年而功畢迨至本朝大德間雖亦嘗

增葺而日引月深風雨凌震頽圯之勢殆將靡焉後至元
庚辰主僧寶峯文鼎與耆舊僧退夫正思首座無懷定齋
議欲新之衆咸以為艱遂集諸徒而告之曰吾住山三十
年若大雄殿若藏經吾已悉完矣顧惟茲塔不葺則將墜
葺之費鉅而力殫吾寢處而不遑柰何弟子法達法興等
奮前曰事未有不為而成者今力雖不足以具當為師行
丐必有應之之人雖非時月可計惟銖積寸累必有成之
之日於是二子以師志于樂施之家咸翕然響應願發
帑以佐之乃稽下召工市材攻石以浮陸運鱗集輻輳般
榦奮其智賁育致其勇奔走趨事者日數百人悉撤其故
壞而易以堅良其下為木楹而更以石者凡三十有二其
前二楹刻交龍于上其級而上者七其面皆八檐椽闌楮

皆構締而新之又其上為相輪鈴鐸固者曰而弊者易金
碧藻績之工丹髹塗飾之美巍々崇々炳煥翕赫鎮奠山
嶽蔽虧雲漢誠不拔之隆基也雄邦之大觀也及至正乙
酉凡攻作六載而告竣事夫佛氏之以善誘人者以其能
以無量之施則有無涯之福是以浮屠宮宇之弘麗雖上
殿禁闕而無所降殺侯家貴族下及編庶雖竭帑傾困而
無所吝惜名都大邑深山邃谷爭先構造而無所限制見
之者無不厭然心服而樂於從之茲其所以歲逾久而功
逾茂也今是城之新余嘉其僧能以堅定之志成積久之
業有似乎造道者之事乃為之銘辭曰
福城之東山維九仙岌々浮屠上出層巔八方翼舉七級
梯連深蟠厚載高薄重玄昔在唐季王公啓土相攸茲山

大建村宇既闢招提地標寧堵厚壤社幽圓珎發貯潛符
嘉徵建彌定光載撰四百作鎮藩方漂搖風雨綿歷星霜
采楹机陞梵筴披猖惟寶峯師興念維惻弗昔斯墜靡違
居食其徒慨然普義感激有志必就惟堅願力踵門干羨
行市丐餘奉脩於寸積重於鍊石磐川運材伐山輪堅良
締構故弊更除寒暑六經載管載度業々金碧我々丹腹
制若地湧規猶天作育國分光圖澄識鐸惟茲偉功匪志
弗成卓哉弘願振古作程天地至久日月至明伴貞配永
視此刻銘

故妻江夏郡熊氏墓誌銘

熊氏字仁昭武光邑西巖溪儒家女生至元庚寅六月十
五日辰時年十一歸為黃鎮成妻事姑何以孝稱何也甚

撫愛焉年二十姑沒哀泣毀瘠聞者皆為感動至大康成
九月夫鎮成以洪子為教授君後君方嚴能愉婉勤慎以
得順承旨甘肅必躬調饋食已乃安年三十有六教
授君指館持喪理家躬服勞憂每誦教授君言以為法勗
子姪勵學延師治具無怠容居常朴素不以口體介意辛
勤內助迄終其身至正七年丁亥七月二十有二日亥時
疾竟不起年五十有八子男三人鎬鑑鈞女一人孟書在
室婦王氏丁氏孫女二人以至正九年閏七月十有六日
已時葬邵武縣四十八都石壁官堂原其夫鎮成自為銘
曰
謂無憾耶室于慶士約以劬謂不幸耶從一以終貞弗渝
人孰不死死死已寧矣嗚呼

分憲趙僉事宗吉主靜齋銘

於穆元造氣機闔闢乃生萬形根紐太極人參三林受天
地中理性之具氣體之充弗擾弗蔽神鑒超然一動于欲
遂迷其天維聖有啓奉身作則貞以生元專然後直周二
維作稽聖作圖中正仁義動與靜俱而主是心必本乎事
天君虛寂隨感而應淵澄弗波鑑空弗蒙湛然燭萬無
昭融寂以一言是曰無欲体用相資誠通誠復之極希
聖功所存嗟學子徒誦其言有契趙侯篤信力踐主
名齋如臨如見無怠弗矜以飭後人用資遠業輝光

黃字窩銘為曹南吳主一作

庶初燧皇爰始火食制器烹飪以代燔擗或實稻梁溲
其蒸或孰牲宰苾苾其馨嘗鼎雋味誰不飲食而曹南子

乃建寺宇以伊何天地一窩日月為炭江海為鍋窮君豎
爐禧氏揚沸中即右軍漆指投嗜鳥跡糜爛科斗缺殘怒
起握筆如椽灑墨成池凌雲寫賦磨崖勒詩昔人有言飢
不堪煮由今之云豈不猶愈有腴斯道有味斯經膏梁不
易敢飭斯銘

榕府金城頌

福唐古治甌粵自秦有閩中郡歷漢晉唐宋代為鉅鎮表
裏形勝雄制一方五季王氏據有其土大興城築至于本
朝統一無外遺塚古堞悉復于隍故通闌帶閩之所則有
民廬錯居其上負山遠市之處則圃人圍隸畊牧其中七
八十年之間包戈服矢撤戍偃兵門無暴客之虞閩絕苛

番之禁實承平之極盛也然識者以謂設險守國安不忘
危一夫不戒則將奚以備之欲復舊規必資三善曰志也
謀也財也志然後有為謀然後善事財然後足費有一關
焉功無由集迺至正十有一年元師松泉吳公開闢全閩
位專方面永惟民社之重議復金湯之固乃按圖度地發
帑計庸庀工徒具畚鍤土昇石輦堵作雉列趨功程復咸
有制量其從廣之尋丈若干脩亘之里步若干峙若崇岡
平如金堤包陵絡丘開陽闔陰誠大府之雄觀一邦之保
障也方建議倡築之初民安故常姦宄未作或若非所先
者及其土功甫畢閩鍵始固而屬邑盜兵之徒至集城下
則雉堞高堅衝櫓弗及寇既殄而民乃莫然後咸服公之
先見而推公之功為不可及也僕惟公為政而至則為經

遠之利若昭武之興梁臨汀之城堡及今之後皆世不
可接之基也抑春秋於城築則書譏不時也詩於城朔方
城謝則播之歌詠美其功也然則吳公於是城時矣詠歌
其可後乎僕雖蕪謏不足追繼古人輒采風謠謹拜手獻

頌曰

我越山有榕其陰溶溶臺江有潮其深維此福唐以控
以臨藩于大邦式懷遠心大邦作鎮其城崇崇負山帶江
于閩之中屹如三神森如閩風海合雲湧憑高扼雄維此
福城昔完久圯夷崇為庠閭巷錯綺縣門不施百雉咸駁
既云久安武備寧弛桓桓吳公有勇有謀開閩全閩以殿
南州厥勲孔崇庶政孔脩民心久懷世德作述謂此名藩
匪城曷守盍議興築以規悠久誦筮既從詢謀心同首

私第鳩徒庀庸舉鋪如雲相宇有節包羅三山冠帶百雉
雉堞相望樓櫓不絕既堅既完曾不期月耄耄驚嗟昔未
見者不勞費力不斂壹文成此福城惟公之勲保我福民
惟公之勤公為福城特一耳公如金城八郡所倚內調
兵食分財佐理外建旄節風矛雨矢一城既保福民乃生
羣醜既清四方乃寧公有豐功聞徹帝庭公有威譽草木
知名閩人祝公進秉鈞軸蒼生徯公為四海福有子能官
勲賢世薦功成身尊眉壽百祿

學類歲

學記曰人不學不知道道固由學而知然學而不知道者
亦有之矣學不知道記誦雖廣文辭雖工徐考其應事接
物之處則私意客氣紛然雜揉與不學者未嘗少異由其

不知道故無以揆乎天理之正而克乎人欲之私雖學猶不學也余質性凡陋為學不篤年三十始恍然自失顧念自八歲入小學今讀書二十餘年未知聖賢之言以何一句得力受用屢復取先儒書讀之得程子謂學者須學顏子而其要在克己復禮之一言復得朱子謂非至明不能察其幾非至健無以致其決由是知聖賢之道可得而知而行之則又不易矣故取朱子語錄隲括其辭作箴以自儆發惟其質性凡陋終不能有以豁然而貫通焉然亦庶乎知道之方矣辭曰

若昔顏氏孔門庶幾仁亦六矣一言蔽之曰惟克己可以復禮已即私欲禮其天理克者勝也如力戰然私欲既克天理斯全一日之間必察其獨孰為天理孰為人欲惟欲則屏惟理則趨操之孔約行之有餘匪明昌照匪剛冒遂勗哉予心或不在焉勒此明訓日參其前

所翁五龍真蹟贊

神物在天靈變不測風雲吹噓雷電翕闢靜則九淵潛其神動則萬物蒙其澤葉公已逝顧氏云仙公儲之生後千百年後雲飛空那可覩點睛破壁亦無傳茲真蹟之在人間者其一已不可見矧乎五龍天矯獨得其全耶恠澹生風淋漓噴霧春霆夜轟常恐飛去惟永保之有神呵護

呂仙贊

趙道士之蕉石猶存沈東老之樞書未滅寫者寫太華之孤雲贊者贊君山之片月

蕉石在杭州

跋摹本蘭亭序

右定武蘭亭序一卷宣文閣摹本待制杜公以貽延平吳
守實齋者也按王右軍書蘭亭序若有神助後更書之皆
莫能及即昭陵所藏真蹟是矣其次即稱定武刻本初石
晉末契丹輦載中原寶貨圖記北至真定德光既死棄此
石於中山為李生所得慶曆中韓忠獻公帥中山堅欲索
觀李藏其石別刻以示公李死其子出之宗景文公守定
以公帑金購入官庫熙寧間薛守師正子紹彭又刻別本
易而歸長安大觀中詔取置宣和殿靖康之亂復與中禁
寶儲俱出塞矣今其石存亡不可知而宋人墨本猶有存
者此本出子山學士賞鑒摹刻亦精以杜公之洽聞多識
非實齋之博雅未易輕畀宜可寶也故備述所嘗於康伯
可者書于卷末庶覽者知定武石本之所自云

書新安程志行甫墓碑陰

之讀新安程志行甫墓誌而竊有感焉夫士君子稽聖賢
之學而推聖賢之道以善天下者其常也至厚薄之賤不
釋命義之趣不一蘊而不達雖周于一身而施不博行不
遠於後世無傳焉者亦多矣顧乃俾據高位臨重勢者曠
其天工豈司造者果欲吾道之終尼也耶使志行甫孝於
親移之以事君友于弟推之以處同列周于族恤于鄉措
之以仁吾民其用心豈殊哉嗟乎有其善者乏其施居其
位者不必有其德使天下之人卒不得與被聖賢之澤者
天也雖然生則內外無間言沒則終始無愧怍於志行又
又何取焉又有子若致和者能汲於論讓先人之潛德
得當代之名筆書之於志行甫益無憾矣

師武路鼎建學廟疏

伏以聖人之道冠百王備
乃冊之訓天下之祀通萬世
其瞻宮墻之尊惟庠序學校之興乃教化綱常所繫其文
則易書詩春秋傳記子史集之目其事則君臣父子夫婦
長幼朋友之倫講而明之則可以致知而去蔽舉而措之
則可以脩己而治人百姓用之而不知一旦失之則必亂
此聖賢有功如天地之大故廟學所建無古今之殊眷昭
武之黌宮化鬱攸之焦土幸
文之未喪宜吾道之將行
舍故址於溪山之遠闢新宮於闌闔之湊出幽谷遷喬木
改瞻學制之隆登金門步玉堂益見人林之盛

助刊 宣聖圖譜疏

伏以立天下之位行天下之道皆吾夫子罔極之恩去聖
人之世近聖人之居亦凡學者當知之事非有考於故家
之譜牒何由得夫吾道之淵源自契至于成湯派出神明
之胄由宋居于闕里世承徽烈之傳仰止宮墻固若難名
勒之金石粲然可考頌其詩讀其書尚論其世儼然見於
親炙之時博我文約我禮既竭吾才又當得於圖意之外

王伯顏死節傳

王伯顏濟南濱州霑化縣人性耿介高氣節好學初授永
州初陽令改湖州烏程令遷信州推官至正己丑進階朝
列福寧州尹越三年壬辰調醴司副使迂者至將行適寇
起連陷鄰縣福安寧德將逼州境民扶老幼渡道請曰父
母去赤子安歸願晉禦賊伯顏慨然曰吾弱冠食朝廷祿
今牧茲土乃當危急棄其民以自圖安計耶雖死亦誓塗

其地以叛國也。即解裝出厲士伍具械器固封守為
討賊備是年十一月庚辰賊帥率其黨犯州界梅嶺伯顏
以兵深擣賊營挺身與賊搏賊大敗退走追殺無算越
三日癸未遲明賊大奄至水陸併進攻犯西門伯顏率士
卒奮身力戰手格殺賊數十人而賊衆我實外圍四合游
兵亂入城內伯顏遂被執衆擁至賊帥前捧令跪伯顏神
色自若堅立不動賊厲声曰汝屢率兵拒我殺我徒衆汝
罪人也胡得不跪伯顏瞋目大罵曰若等皆國民乃敢反
叛國家殘虐生靈身為大逆罪不容誅我乃大元命官惜
吾力意恨不寸斬汝以明國法而反謂我有罪令跪汝逆
賊乎我為守土臣死封疆職也今日是我死所矣賊見不
屈更温言曰汝能降我、不汝殺妻子得全豈不愈於死

乎罵如初賊怒遂斬之子相亦罵賊死二勇女孫并僮妾
皆遇害相婦潘氏有姿色賊欲納之潘結曰敢不惟命萬
新產身病未宜配偶賊從之乃寘別室使婢侍湯藥數日
竟不食婢強之潘歎曰汝以吾復求活耶吾勇死忠吾妻
死孝一家無噍類吾豈汚賊以辱吾忠孝門耶是夕遂死
長子楨家吳與僕費成亡告楨楨至得母安氏于里楨振
衛家初二人皆能謹視安故全連率吳克忠以聞命楨嗣
福寧州尹贊曰

昔我世祖皇帝統壹夷夏際天所覆不聞金革之事八十
年于茲矣然軍政久弛城墮兵頓一旦葉芽竊發雖有種
智之士束手徒搏亦同錯其力焉至紆綬推旄食馬而避
其難者固無足議而臨危死敵若推原其本心由其蚤見

豫定而非出於不獲已者蓋亦鮮焉福寧尹王伯顏其庶
幾乎方其歲滿獲邊綏是以去難亦孰得而咎之若計
其去則家全而身利爾則猶生以蹈禍誠知夫義之所在
則本心安焉故寧舍彼取此不暇計其身也逮其缺廩在
前則含啖而就之蓋籌之已稔而且樂於得其所矣子猷
父為孝婦以不污為節得非公之忠誠素著有以教於家
者漸濡之效歟殺身成仁若顏常山不多讓矣胙土秩祠
光膺卹典宜哉

光膺卹典宜哉

光膺卹典宜哉

光膺卹典宜哉

道光庚寅中秋後三日叔正女士桐城方君蘭祥詩一過曾見於書室
抄本此多十分之三詩字清麗自是九人中上乘之作

右秋聲集十卷為洪武十一年刊本也愛日精廬所貽
吳方山舊物凡詩五卷文兩卷寔共七卷讀後跋知當
時藁未全刊所以板口卷數頁數俱留墨釘凡闕者有
待續補紙墨古雅為元人集中不多見本卷首檢有缺
葉久欲抄補元刻罕覩偶於友人齋頭見順治甲午周
櫟翁雕本假錄之得秋聲子自序一篇文潔體清具悉
命意卷一補五律二十三首卷三補七絕九首又五絕
一體明本未載茲得一十四首因脩錄次於五卷後焉
然櫟翁所刊止編詩四卷而且多逸七律自臘八日訪

武夷杜公詩下十七首七絕自題鄭子真飛鳳朝陽圖
詩下十六首并後序一葉俱缺校閱之下益知古本之
足珍也元人別集明初槧本甚稀愛日所藏不下二十
餘種今悉化為雲煙此秋聲集歸余亦有前緣適合耳
外籤乃陸勅先所題我思古人寶慶又當何如矣道光
丁亥七夕前一日芙川張蓉鏡識



秋聲集者郭中漢著六贈余舊抄一冊只詩

集四卷 四庫書目所載正同廿文集兩卷

傳中絕少看其排次加者缺第六、七、三卷

或者知刻時者未編定身序止此詩文七

卷亦未可必各體詩俱清麗芊綿可誦

五亦典贍雅不能古虞馬諾以抗禦亦為
有元一代名手 芙川張蓉鏡識

錢天樹讀

此願侯君元待選所據本 四庫書所未
見也笑川以為刊刻未竟良然周樞
翁本也亦不可得笑川校補可謂有
功古人矣 李北怡識

道光己未中秋後五日杜孫叟黃廷禮向笑川先生借讀

道光丙申冬十二月琴東蔣宜齡向笑川兄借讀

同治二年六月寓金陵松濤一過錫山沈氏記
同親共蔣庶潭祝蓮財部堯卿時
在立秋後一日也



從炎幸卯九月晦程恩澤啓
讀傳鈔之冊感
美川兄雅惠拜識



道光庚子八月下旬味館畫屋主人書讀 年八月



虞山張美川先生博雅君子也所藏書
籍多古本庚申秋重遇於昭陽出示元
刻秋聲集刊刻未竟美川先生後
頃益之以補四庫書所未載洵為
難得題籤跋語均出名手尤宜寶愛
芳蘭弟祝齡拜識

